

Ms. 3455.

DE LUXATIONE CAPITIS SPONTANEA.

SPECIMEN INAUGURALE MEDICO-
CHIRURGICUM,

QUOD,

CONSENSU AMPLISSIMI MEDICORUM
ORDINIS

IN
UNIVERSITATE CAESAREA LITERARUM
DOPATENSI,

UT GRADUM

DOCTORIS MEDICINAE

RITE ADIPISCATUR

DIE V. MENS. IUNII MDCCXXII

H. L. Q. C.

PUBLICE DEFENDET

AUCTOR

CAROLUS DEMETR. EMANUEL DE WAGNER,
WINDAVIA - CURONUS.



XXVIII

DORPATI LIVONORUM,
EX OFFICINA ACADEMICA J. C. SCHÜNMANNI
MDCCXXII.

I n p r i m a t u r,

conditione tamen, ut, simulac typis excusa fuerit disseratio, septem exemplaria collegio, cui librorum censura mandata est, tradantur.

Dorpati Livonor, d. xix. Mens. Maji.

MDCCCXXII.

Dr. Ludovicus Emil Cichorius,
h. t. Decanus.

CXXVIII:

supradictis actionibus missis fuit etiam satis multa et
longa exponitur, quodcumque superponitur, sed hanc operam
quodcumque exponit, non potest esse nisi in
omni ex parte levissima, ut exponit et ostendit in litteris
nisi et amissione, omnia ab aliis de differentiis, non
exponit, multitudinem, non sive per causam, non

Quamquam circa morborum articuli caussas et sedes
permultum detexerit praestantissimorum virorum dilig-
gentia, inexhausta tamen quotidie occurrit vitiorum
varietas, plurium observationum, quantamcunque simi-
litudinis speciem prae se tulerint, diversitatem com-
monstrans. Innumeri sane humantur, quorum morbus
exitialis hujusque sedes fomesque in una alterave arti-
culi parte vix satis indicari, aut divinari potuerat, nisi
forte in generali quodam nomine, fungi articularis, lu-
xationis, anchyloseos etc. acquiescere lubeat.

Innumeris modis diversa articulorum organa laedi
et a justâ normâ aberrare possunt: innumerâ inde

plus minusve sonicas molestiarum turbas morbosque
saepe insanabiles, omninoque lethales, oriri posse pa-
tet. Solidae fidaeque observations et morborum hi-
storiae accurate consignatae ut ulterioribus in re me-
dicâ progressibus faciendis viam patefecerunt, ita
arti nostrae largitutiae sunt firmitudinem et incre-
mentum.

Maximum autem hoc in negotio subsidium pre-
bent cadaverum inspectiones, quibus organorum a statu
normali aberrationes, formae laesae, nisus formativi
abnormis efficacia, aut defectus innotescunt, obscura-
clarescunt, dubia enodantur, falsa corriguntur.

Cum autem commutationes dynamicae nos saepe
etiam lateant, morbique originem ad intimos organis-
mi recessus usque persequi non liceat; cum natura
ipsa suis moliminibus medicatriebus, malo medicaturis
vitamque conservaturis diversas producat immutatio-
nes et morbi, qui ejusdem sunt formae, respectu in-
dolis, causae, statûs, progressûs, complicationis etc.
mirum in modum differant, non minus fateri oportet,
adminicula inspectione cadaverum obtenta non semper
rem adeo in apricum proferre, ut, quae fuerint caus-

sae, qui effectus, quae prima morbi forma, qui pri-
marius morbus, qui tamquam socios se adjunixerint;
quae sint metamorphoses, quas morbus, aut quas na-
tura medicatrix induxit, distinctissime eluceant, ita;
ut non quidem multa scitu necessaria supersint desi-
deranda.

Cum non nisi amplissimo observationum apparatu
ad condendum veri nominis practicum systema adspic-
rare liceat, quo rerum in historiis obviarum caussae
eruantur, detegantur et clare demonstrentur, tandemque
ex observatis omnium temporum atque locorum axio-
mata universalia magnae ad tum pathologiam, tum
therapiam adjuvandam utilitatis incrementa elicere
possimus; liquet, quanti momenti sit anatomia patho-
logica, quam laudanda sint praestantissimorum virorum
conamina, qui tum in suis museis anatomico-patholo-
gicis, tum in operibus magnam rerum seriem et ordi-
nem conservare studuerunt.

Quum mihi, ad summos in arte salutari honores
adspiranti, publicum specimen sit exhibendum, doctis-
que censoribus submittendum et praeparati cuiusdam
anatomico-pathologici in academie Dorpatensis mu-

seo adservati, capitis et atlantis subluxationem et an-
chylosin exhibentis describendi mihi contigerit et op-
portunitas et licentia: ad multorum salutem aliquid
conferre existimavi, hocce primum meum qualecunque
specimen benevolo lectoris judicio submissurus. Ma-
teriam sumsi pertractandam amplissimae sane exten-
sionis, in quā tractandā jam viri ingenii acutioris versati-
sunt, et quae per se talis est, ut vix ac ne vix quidem
paucis dissertationis pagellis comprehendendi possit. Ne
igitur quāque ex parte absolutam tam ampliae materiae
expositionem exspectet *eruditus lector*, rogo quae-
soque.

Praeparatum nostrum cranium hominis, proiectae,
uti videtur, aetatis cum perfectā anchylosi atlantis et
partis occipitalis ossis sphaeno - occipitalis proponit,
cui, ut e muto ossium coalitu clare eluet, subluxa-
tio antecesserat. Hujus praeparati basin cranii sub-
calcem dissertationis meae ad majorem rei perspicui-
tatem adjuvandam, delineatam et aere excusam subjunxi.

Ad atlantem quod attinet, ambo ejus arcū mira-
sunt tenuitatis; superficies laterales partium ejus late-

ralium ut cariei vestigia, ita et calli luxuriem demon-
strant, in superficiebus articularibus inferioribus nullae
deteguntur abnormitates, superiores contra cum pro-
cessibus condyloideis partis occipitalis ossis sphaeno-
occipitalis coalitae inveniuntur, quā perfectā con-
cretionē conjunctiones articulares atlantis et capitis
immobiles deprehenduntur. Sinistra atlantis pars late-
ralis aliquantulam suae altitudinis fecit jacturam, ita,
ut ad hoc latus et retrorsum inclinatum caput videa-
mus. Quod autem ad totius atlantis situm attinet,
atlas antrorum $2\frac{1}{2}$ Lin. Par. et versus dextrum latus
 $2\frac{1}{2}$ Lin. Par. decessit, ita, ut arcus ejus anterior $2\frac{1}{2}$ Lin.
Par. et posterior totidem Lin. Par. ossi occipitali ob-
versi, immobiles conspiciantur,

Quamquam diametri tum foraminis magni ossis
occipitis, tum foraminis medii atlantis normales sint,
tamen subluxatione mox designata canalis medullaris
valde coarctatus et incurvatus in hacce regione re-
peritur.

Praeterea suturam sagittalem et lambdoideam plane
fere ossificatas et processum condyloideum sinistrum
maxillae inferioris 3 Lin. Par. breviorem reperimus,

In hoc singulari admodum exemplo, mortis telum obtulit natura, cum homo tali morbo obnoxius, uti ex anchylosi patet, aliquamdiu post factam subluxationem adhuc vixerit necesse est. Naturae consilio et opere lente progredientis luxationis ulterior progressus anchylosi cohibebatur, et eo quidem mirabili cum effectu, ut canalis ad condendam medullam spinalem desinat major coarctatio, et inde ex collisâ illâ medullâ et compressis nervis, necessario oritura paralysis totius corporis praecaveretur.

Licet studiose conarer morbi indagare historiam, hoc quidem nullo modo fieri poterat, cum cranium hocce ante multos abhinc annos, absque ullâ morbi mentione, theatro nostro anatomico traditum esset.

Hanc subluxationem non nisi sensim lentoque gressu a caussis internis exortam fuisse ratus sententiis *Pallas* 1), *Callisen* 2), *Boyer* 3) aliorumque acedo,

1) *Sim, Pallas*, praktische Anleitung, die Knochenkrankheiten zu heilen. Berlin und Stralsund 1770. p. 107.

2) *Callisen*, Systema chirurgiae hodiernæ in usum

qui et observationibus et experimentis suis comprobare studebant, ejusmodi luxationes violentiâ externâ, vitâ adhuc vigente, produci non posse; licet haud desint observata *Schaarschmidii* 1), *Mursinnae* 2) qui contrarium contendant. Quum non nisi diligens hâc de materiâ observatio et experientia facultatem et licentiam suppedite hanc auctorum controversiam decidendi et dijudicandi, et ego meam ipsius suspensam velim sententiam eo, quod similia observandi mibi nunquam data est occasio. — Hoc tamen dicere licet: capit is cum primâ vertebrâ colli nexum adeo firmum esse, ut externâ vi vix unquam solvatur et luxatio inducatur. Oculis enim in hujus articuli structuram conjectis videre quidem licet, ligamentorum re-

practicum et privatum adornatum. Hafniae 1800.
Tom. II. Pars posterior. p. 565.

3) Abhandlung über die Knochenkrankheiten und die dabei angezeigten Operationen, von dem Baron *Boyer*. Aus dem Französischen übersetzt und mit einigen Anmerkungen begleitet von Kajetan Textor. Würzburg 1819. Tom. II. p. 96.

1) Wöchentliche Nachrichten. Th. VII. p. 339.

2) Journal für die Chirurgie. Berlin 1803. II. Bandes 2. Stück. p. 149.

spectu habito, n^exum illum firmissimum non esse, cum ligamenta intervertebralia et subflava hic desint, et membranis tantummodo arcūs atlantis anterioris et posterioris suppleantur 1). Qui quidem articulus magorem obtinet firmitatem peculiari superficierum articularium structurā, quā processus condyloidei ossis occipitalis cum superficiebus articularibus atlantis superioribus cuneatam formam referentes conjuncti sunt, quum hae introrsum sursumque, illi vero extrosum ad eversum obversi sint, ita, ut vi externā adhibitā, nisi fracturā antecedente, in latera decessus plane fieri non possit. Deinde constat: diversos capitīs motūs anteriora et posteriora versus atque in latera partibus potius cervicis inferioribus movendis effici, praeterea rotationem capitīs, non tam ex occipitis et atlantis, quam hujus et epistrophaei motibus, pendere. Hinc apparet capitīs cum atlante motūs minimos esse, inde que etiam vim externe adhibitam hunc in articulū parum valere 2) et propterēa ejusmodi luxationes, non

1) *J. F. Meckel*, Handbuch der menschlichen Anatomie, Halle und Berlin 1816. Bd. II. §. 846.

2) Chirurgische Wahrnehmungen durch *William Bromfield*. Aus dem Englischen übersetzt und

nisi antecedente fractū fieri posse, omnino non esse statuendum.

Nihilominus tamen ejusmodi luxationes reperiuntur, quarum exemplum nobis non solum præparatum nostrum præbet, sed quarum etiam *Columbus* 1), *Wynpersse* 2), *Sandifort* 3), *Rust* 4) aliique in scriptis suis mentionem faciunt. Ergo non nisi in conditionibus et mutationibus existentiae organicae semina morbos, cum proclivitate ad articulorum morbos, quas luxatio spontanea sequitur, nituntur, alia jam hereditaria, aut connata, alia post demum, ex affectionibus

mit einigen Zusätzsn vermehrt, Leipzig 1774.
p. 265.

1) *Columbus*. De re anatomica. Venetiis 1559.
p. 263.

2) *Jac. Th. van de Wynpersse*. Dissertation de Anchylosi. Lugd. Batav. 1783. §. 21.

3) *Sandifort*. Exercitationes academicae. Lugd. Batav. 1783. p. 4.

4) *Joh. Nepomuk Rust*. Arthroakologie, oder über die Verrenkungen durch innere Bedingung und über die Heilkraft, Wirkungs- und Anwendungsart des Güheisens. Wien 1817. §. 111,

fortuitis acquisita, quibus positis et accendentibus caussis occasionalibus pro peculiari conditionis diversitate diversi exoriuntur articulorum statūs pathologici.

Valde differunt et structurā et texturā articuli partes, ut quarum quaelibet peculiari modo affici et a conditione normali decadere possit, sive situm, sive formam, sive partium robur, sive humores variasque laesiones et corruptiones etc. spectes, adeo, ut vix forte vitium excogitari possit, eujus, in articulo reperti, non numerosa apud auctores inveniantur exempla, quo luxationem spontaneam inferri posse censebant.

Licet jam Hippocrates luxationis spontaneae plurimorum articulorum mentionem fecerit 1), tamen in primā artis salutaris cultae aetate, tum ob inscitiam structurae corporis humani, tum ob defectum suffi-

1) *Hippocratis Coi opera omnia ex edit. Foesii.*
Aph. Sect. VI. 59, 60, 46. De articulis S. VI.
p. 879.

cientium observationum practicarum, res ista meliora capere non poterat incrementa. Hinc etiam non est, quod mireris, ex hisce temporibus de capitinis luxatione nihil omnino inveniri, quum et alius rarius occurrat.

At superiori seculo novissimisque temporibus, pathologicae articulorum affectiones, quas luxatio spontanea subsequi solet, diligentiori ac frequentiori examini subjiciebantur. Quas quidem singulas pertractare per pagellarum circumscriptos fines non licet; itaque praecipuas saltem afferre liceat, meditationibus qualibuscunque meis subadditis.

Maximā cum diligentia hanc materiam nostris quidem temporibus in primis perlustravit cel. Rust 2). Quantumcunque vero merita hujus cel. viri venerem, tamen ejus sententiae ubique et omnino accedere nequeo, cum in affectione *primaria* ossium indeque sequente eorum inflammatione *solam* luxationis spontaneae caussam quaereret 2). Ipso nimisrum auctore

2) Vid. ejus opus supra citatum.

2) *Rust.* O. c. §. 109 et a, l.

cartilagines articulares aliaeque partes articulum constituentes in decursu morbi non nisi secundario modo afficiuntur, id quod autem aliorum experientiae contradicit. Ex practicorum enim observatis circa luxationem spontaneam divulgatis satis innotuerunt partes, quae primarie affici possint; patent pariter decursus harum affectionum,

Consequenter primo hae affectiones justo ordine erunt enarrandae, deinde, ut caussae hujus morbi recte cognoscantur, distinguendae, singulae in simplices suas potestates resolvendae et quid tum singulae, tum plures simul in atlantis et occipitis articulum ipsum valeant, examinandum.

Primo quidem ad membranas articuli fibrosas quod attinet, vulneribus, contusionibus, aliisque laesioribus, nec non a caassis internis hae violantur et inflammantur. Raro autem haec inflamatio in suppurationem, aut gangraenam, saepius in exsudationem lymphaticam et in indurationem harum membranarum transit, quae texturā suā et structurā, nec non splendore argento deperditis, cum aliis articuli parti-

bus coalescent. Nonnunquam resolutā inflammatione, vulneribusque sanatis, ligamenta haec elasticā suā vi destituta et debilitata remanent. Quae quum ita se habeant et ~~accidente~~ affectione morbosā secundariā et inflammatione, commemoratarum partium degeneratio adeo procedit, ut cartilagines, ossa ceteraque organa articulū constituentia pedissequa destruantur corruptione.

Affectiones autem morbosae membranarum synovialium, propriam synoviam secernentium 1) majoris sunt momenti. Hae quidem membranae a caassis

1) Grundriss der Physiologie, von F. Magendie.
Aus dem Französischen übersetzt von Dr. C. F. Heusinger. Eisenach 1820. T. II. p. 40. — Olim solemnis erat opinio, synoviam secerni a glandulis, quas dicunt Haversianis; industria autem cel. Bichatii detexit, has nihil aliud esse, nisi ad ipsam ramificationi vasorum destinatam glomerulam. Vid. Traité des membranes en general et de diverses membranes en particulier par Xav. Bichat a Paris. (Uebersetzt in Reil's Archiv für die Physiologie, V. Bandes 2. Heft. S. 260.)

sive externis, sive internis inflammari possunt. Quae si acuta sit inflammatio, in eo cum inflammatione aliarum membranarum serosarum convenit, ut saepe, nisi resolvatur, in exsudationem synoviae nimiae (Hydrarthros) aut morbose commutatae et in suppurationem transeat. Sicuti in omnibus inflammationibus acutis, pariter in hac, symptomata longe sunt vehementiora, decursus multo celeriores.

Plerumque morbi decursus est chronicus, hac conditione insignis, quod secretionem synoviae, respectu quantitatis, vitiatae, membranae rarissime cum ceteris articuli partibus coalescant. Progrediente hac inflammatione, in suis exordiis vix aperte se prodente, materia gelatinosa, subflava, membranis firmiter inhaerens, ita, ut nonnunquam solo cultri usu ab iis separari possit, secernitur et duriusculae consistentiae reperitur 1).

1) *B. C. Brodie's pathologische Untersuchungen über die Krankheiten der Gelenke.* In einem Auszuge in der Sammlung auserlesener Abhandlungen für practische Aerzte. 26. Bandes 4. Stück. p. 612. Casus romus.

In majori mali gradu ipsae membrane synoviales in massam pulposam fuscarn subinde $\frac{1}{4}$ — $\frac{1}{3}$ pollic. crassam degenerant, quae filamentis subalbidis intermixtae nonnunquam strias rubras (vasorum abnormes ramifications) ostendunt 1). Malo ulterius progrediente vegetatio aucta et anomala cum vicissitudine materiae organicae et in reliquis articuli organis, animadvertisit. Partes molles omnes inflammatae in unam massam veluti conglutinatae, specificam resolutionem et turgescientiam laxam ostendunt, ita, ut a se invicem singulae partes distingui nequeant. Haec massa totum articuli cavum saepe implens nonnunquam gangraenosam et ichorosam nanciscitur conditionem. Cartilagines denique articulares intumescunt, emolliuntur, resorbentur, vel exulceratione sensim sensimque destruuntur. Spongiosae ossium extremitates carie afficiuntur, hinc totius articuli intumescentia, dolor acutissimus, profundus, puris ichorisque accumulatio, abscessus varii et ulcer fistulosa.

Cartilagines articulares et ipsae primarie nonnun-

1) *Brodie l. c. 5tus, 6tus, 7mus, 8vus, 9nus Casus.*

p. 599 sqq.

quam afficiuntur, quas quidem affectiones luxationes spontaneae subsequi possunt. — Constat observatione assiduâ, processum plasticum in cartilaginibus lente procedere 1); praeterea eas partes cartilaginosas, quae extrema ossium obducunt et cartilagine interarticulares inflammatione affectas rarissime ossificare, sed plerumque exulcerare. Memoratu in primis dignum, hanc exulcerationem non semper, cum puris secretione esse conjunctam 2). — Quia cartilagine paucissimis gaudent vasis, plurimi auctorum sibi persuadebant, hanc exulcerationem purisque secretionem non ab anomalâ ipsarum cartilaginem vegetatione, sed ab ossium vasis incipere et derivandam esse. Cui quidem persuasioni suaे fidem largituri monent, superficiem cartilaginis ossi adversam eique inherentem plerumque prius exulcerari; observata autem cel. Brodie docent, et alteram cartilaginis superficiem prius ab exulceratione affici posse 3). — Sive in hac, sive in illâ superficie exulcerentur cartilagine, morbus, sua acquirens in-

1) *Meckel.* O. c. T. I. §. 265.

2) *Meckel.* O. c. T. I. §. 269.

3) *Brodie.* l. c. Casus 22dum et 23tum. p. 641.

crementa, ex aliis tamen in alias transmigrat partes, in ossa potissimum saevitâ suâ effusa. Intumescunt extrema ossium, et *carie*, necrosci etc. destruuntur; pure, ichore aliisque humoribus acribus molles articuli partes irritantur, inflammantur, exulcerantur, unde gravissimae exoriuntur molestiae.

Post varias laesiones, in primis circa articulos, nec non a caussis internis ossa inflammantur ac degenerant, partium illa constituentium ratio et qualitatum indoles mutantur, alienisque admixtis inquinantur, unde innumeri ossium morbi exoriuntur, quibus partium firmitas, cohaesio et figura pervertuntur, libero partium motu sublato. Quae cum ita sint, simul et cartilaginem molliumque partium varia inferuntur vitia, quae eo articulum disponunt, ut laevissimâ accidente externâ caussâ, quin sponte etiam, articulus saepe solvatur, aliique hunc infestantes succedant morbi.

Sicuti supra jam monui, liquor articularis intra cavitatem exsuperans, vel alienae materiae congestio et accumulatio, partes, quae articulis pro munimento

sunt, debilitare et ossa pedetentium e sedibus suis protrudere valent; humores a naturali sua crasi deflectentes, praeter inflammationem ejusque sequelas, quas inducere possunt, pulposas, calculosas aliasque indurations admittunt, quarum quaeque sua inferre valet incommoda.

Partium denique articulis adjacentium a statu normali deflexiones: suppuration, exulceratio, gangraena, sphacelus, scyrrhus, aneurismata, variique tumores articulum debilitare et eo disponere possunt, ut secundariā acceditente caussā gravioribus afficiatur morbis.

Raro autem quaecunque istarum affectionum singularis inhaeret, quin et aliam atque aliam sibi comitem associet; inde magna morborum articulos instantium compositio et complicatio, unde malum siccissime insanabile redditur.

Patet, haec omnia recte dijudicanda fore ex mutatis horum organorum texturā et structurā, ex magnitudinis, proportionis, nexus, sitūs, a statu normali

deflexionibus, ex inflammationis, suppurationis etc. signis characteristicis, ex laesis functionibus, ex antecedentibus potentis nocentibus, e connatā, seu hereditariā labē, ex aetate, sexu, vivendi ratione, e morbis, sive superatis, sive comitantibus, medelis adhibitis e. s. p.

Licet circa mōrbos articulū capitī cum atlante afficientes rariora nobis sint observata, tamen quae exstant, docent: hunc articulū simili modo mōrbose affici et degenerare posse, hinc caussae luxationis spontaneae hujus articuli non solum ab ossium, sed etiam a ligamentorum affectionibus primariis petere forent.

Quum vera et rationalis iherapia sive mōrbis mendendi scientia, maxime accuratā mōrborum diagnosi, ortusque eorum ex suis caassis atque incrementi cognitione nitatur, praeterea etiam a nobis supra de iis aegritudinibus in genere actum sit, quas luxatio spontanea sequatur: nūnc quantum quidem per harum pagellarum angustiam licet, ad contemplandas causas, quae articulorum commemorata vitia inducunt,

subsequentia dilucidaturis ulterius pragediendum nobis
videtur.

Quandocunque consignatas articulorum morborum
historias paulo accuratius perlustraveris, animadvertes,
maxime eos, qui, vel naturā, vel adversā valetudine
imbecilliores redditи sunt, his morbis affici et medicam
opem poscere, difficulter tamen sanari pariterque
summā cum circumspectione prudenter et lenissime
esse curandos.

Caussae morborum articulos infestantium raro
simplices sunt, plerumque potius ex pluribus conditio-
nibus simul concurrentibus compositae.

Quotiescumque ergo conditionum mutuo concursu
caussam morbi constituentium aliqua mutatur, gradu
aut augetur, aut imminuitur, vel prius positis novae
quaedam accedunt caussae, aut alia in aliarum locum
succedit, toties quaedam mutatio, imminutio, aut aug-
mentum in ipso quoque morbo aequabiliter responde-
bit, unde etiam pro caussarum diversitate et compo-
sitione, morborum originis lente, vel subitanee, du-

rationis, incrementi, vel decrementi, mutationis ex alio
in aliū, perfectae vel imperfectae sanationis etc. pe-
tenda foret ratio.

Hinc semina morbosa dispositiones quascunque
corpori insitas indigant, morborum generationi obse-
cundantes, si aequabilis potentia nocens accesserit.
Neque hereditaria, neque alia quaecunque ad articulo-
rum vitia proclivitas aliter aestimanda est, ac ratio
dynamica pariter atque organica partium solidarum,

Cujus rei admodum manifesta exempla praebent
praecipue diathesis scrophulosa et rhachitica a visce-
rum abdominalium debilitate nutritionisque langues-
centia et vitiis oriunda ¹⁾). His praecipue haec vitia
imminent, qui tenerā debilique corporis constitutione
sunt praediti, in quibus intestinalium vasa absorbentia
impedita et labefacta sunt, in quibus, ob salivae succi

¹⁾ Ueber die Erkenntniß und Cur der chronischen
Krankheiten des menschlichen Organismus, von
Dr. W. A. Haase. Leipzig 1820, III. Bandes
2. Abth. §. 294, 295, 314 etc.

gastrici enterici variam degenerationem, necessaria chyli ingenui paratio impeditur. Habitu magis evoluto, acedentibus aequabilibus caussis externis gignuntur morbi, qui tum invasionis modo, tum sede, decursu et gradu differunt; nam morbi suis ex caussis nati, determinatas quoque ab his acquirunt vires, quibus et agunt et in agendo perseverantes cursus suos conficiunt.

Sic in scrophulis et rhachitide, infestissimis ossium hostibus, horum compages haud facile solidescit, sed spongiosa manet, epiphyses aegerrime evalescunt, ossa curvantur, corpora vertebrarum integra subinde emolliuntur, destruuntur et nonnunquam sine carie collabuntur; ligamenta relaxantur et cartilagines articulares intumescere ac degenerare solent. Ossa exhibent medullam fluidiorem, et spongiosae eorum partes ab initio limpidum, deinde flavescentia fluidum et substantiam caseosam suis in cellulis continent 1), ita, ut laticem exprimere possis. Hoc osteogeneseos vitio

1) Brodie. l. c. Gasus 24tus, 25tus, 26tus. p. 646
sqq.

calx phosphorata, quā ossa firmitudinem acquirunt, praeter naturam absorbetur, superstibus albumine et gelatinā. Praecipue autem his degenerationibus vertebrae, nec non genu corripiuntur 1).

In arthritide, quae inflammatione membranarum articularium est conspicua 2), varias etiam oriri possunt degenerationes, frequentissima assiduae docent observata. Hanc inflammationem, praecipue chronica si fuerit, sequuntur exsudationes lymphaticae in articulorum cavitatibus, quibus variae producuntur molestiae. Simul etiam synovia mutatur, partes eam constituentes aquosae, vasis nimis incitatis, resorbentur et praeципitatur calx phosphorica, formantur concrementa calcarea, aut lapidea (tophi s. tubercula arthritica) quibus motus articulorum difficiliores redduntur, nonnunquam plane impediuntur. Hae affectiones mox et alias, cartilagineum nimirum et ossium comites, sibi associant; illae intumescunt et resorbentur, haec porosa

1) Rust. O. c. §. 35.

2) Haase. O. c. T. II. §. 243.

ſunt, et exoriuntur in iis tubercula et exostoses variae consistentiae. Pluribus observationibus nobis constat, has degenerationes, luxationes spontaneas subsequi posse 1).

Vel rheumatismum etiam praecipue chronicum et fixum, hunc morbum producere posse, plurium auctorum observata docent 2). — Simili modo pro singulari hominum conditione et pro cauſarum concurrentium diversitate, articulorum morbi, respectu

1) *Nees* im Journal der praktischen Heilkunde und Wundärzneikunde, herausgegeben von *Hufeland*, 16. Bandes 3, Stück. S. 173. — Preisfrage, worin besteht eigentlich das Uebel, das unter dem sogenannten freywilligen Hinken der Kinder bekannt ist? Beantwortet von *J. A. Albers*.

Wien 1807. p. 18.

2) *Rust.* l. c. §. 37. — Preisfrage, worin besteht eigentlich das Uebel, das unter dem sogenannten freywilligen Hinken der Kinder bekannt ist? Beantwortet von *Dr. A. W. Ficker*. Wien 1807, p. 78.

ſedis, gradus, durationis, complicationis, exitus etc. summopere differentes et ex aliis diathesibus, ut syphiliticā, scorbuticā, ex exanthematis retrogradis et acutis (Scarlatinā, morbillis, variolis) et chronicis (Scabie, herpete etc.) ex suppressis haemorrhagiis (Haemorrhoidibus, fluxu mensium) praematurā ulcerum habitualium sanatione aliisque potentiss nocentibus produci possunt, quibus diverso modo humorum motus et crasis, partium solidarum textura et structura dynamica et mechanica articulorum qualitas pervertitur.

Quum autem potentiae nocentes nunquam totum simul afficiant organismum, sed alia prae aliis occupent organa, vel systemata; haec proxime etiam debilitantur, reliquo corpore bene valente. Quodsi dein morbi decursu totum corpus simul patiatur, ea tamen organa, vel systemata maxime debilitantur, quae totam potentiae nocentis vim olim experta sunt, quia certo respectu debiliora plerumque auctā laborant receptivitate. Hinc potentiae nocentes externae semina morbos provocare valent, quae nata dein cum illis concurrendo in morbos aheunt. Differunt autem effectus

pro violentiae et injuriae externae gradu. Aliae sanisimos morbo afficiunt, aliae tantum procedente dispositione, aut proclivitate.

Hinc caussae internae, quae primae vertebrae capitisque articulum infirmare, ejusque luxationem spontaneam producere valent, eadem sunt, quas supra commemoravimus. — Caussis autem externis praecipue adnumeranda sunt: hujus articuli vulnerationes, contusiones, refrigerium, exercitia corporis gymnastica variique ludi, aut onerum gestatio,

Si in universum propriarum morborum caussarum cognitio et perspicuitas insigni utilitate in arte nostrâ sese commendat, atque etiam ad tutam et auspiciatam sanationem expeditam patefacit viam, in morbis primae vertebrae articulum infestantibus summi haec erunt momenti, quia, sine exactâ cognitione, nec morbus imminentem arcere, nec praesentem removere, neque verum de ejus eventu judicium ferre medico licet.

Quum inflammatio in commemoratis primae vertebrae capitisque articuli affectionibus morbos conditiones materiales vario modo immutare valeat, inflammationis symptomata, nempe vegetationis anomaliae et multifariae inde proficiscentes turbae, uî jam supra monuimus, horum morborum diagnosi instituenda viam patefacent. Quum autem haec inflammatio quoad dynamicam suam naturam et characterem et pro diversitate gradus, sedis, complicationis etc. differat, indeque symptomata morbum concomitantia valde non discrepare non possint, difficile est, symptomatologiam ubique omnino adaccommodatam proferre. Quodsi igitur omnibus differentiis et circumstantiis convenientem, omnibusque partibus absolutam hujus morbi diagnosis non proferam, nec nisi signis quibusdam pathognomonicis inhaereum, veniam det *lector benevolus* atque indulget quae so.

Tam prognosi, quam theriae maxime expedit, varia morbi stadia stabilire, quorum tamen transitus aliud in aliud, sicuti in omnibus morbis, ita etiam in hoc, talis est, ut accurate distingui nequeat.

Stadium primum (quod *stadium prodromorum* equidem dixerim) talem prae se fert similitudinem cum colli et cervicis affectionibus rheumaticis et catarrhalibus, ut ambo morbi difficillime alias ab alio distingui possint. Quae affectiones plerumque se produnt doloribus cervicis et faucium noctu exacerbantibus, quae inspiratione, deglutitione et refrigerio augmentur, saepe plane evanescunt. Raro autem tumor, aut alia quaedam faucium, aut exterioris colli regionis affectio animadvertisit. — Symptoma supra commemorata plerumque remediorum antirheumaticorum usū removeri possunt; quae autem remissio non est permanens; mox enim, sine ullā accidente caussā, maiori cum pertinaciā et vehementiā redeunt molestiae.

— Cel. Rust hoc in stadio ubique tanquam signum characteristicum assumit dolorem vehementissimum, profundum, quem aegrotus, in regione atlantis, sentiat. Rem autem ita se non habere, et hunc dolorem non nunquam omnino non adesse, demonstrant aliorum observata 1).

1) Morgenblatt für gebildete Stände. Vierzehnter Jahrgang 1820. Litteraturblatt. No. 55. p. 218.

In *stadio secundo* symptomata supra designata vehementiora et pertinaciora redduntur. Accedunt praeterea raucitas et motus capitis dolorifici; dolores prius cervicem tantum occupantes valde adaugentur et praecipue in occipitis regione concentrantur. Cum rigiditate colli caput inclinat aut in latus alterutrum, si una tantum conjunctio articularis affecta sit; utrāque contra affectā, aut antrorsum, aut retrorsum caput inclinat. Ex enormi capitis situ elucet, proportionem naturalem superficierum articulatum processuum condyloideorum partis occipitalis ossis spheno-occipitalis et atlantis jām esse sublatam, quā de re hoc *stadium subluxationis* (*stadium*) nominari jure meritoque potest. Et origine morbi et aliis variis causis tempus hujus stadii, nec non antecedentis diverso modo variat.

Ante *stadium tertium* (*stad. luxationis perfectae*) molestiae adhuc remittunt. Mox autem dolores hucusque in occipite tantum concentrati, continentiores fiunt et totum caput, praecipue autem frontis regionem, occupant. Caput nunc magis etiam inclinat in alterutrum latus, aut antrorsum, aut retrorsum,

unde luxatio perfecta esse cognoscitur, quācum nec molestiae remittunt. Aegrotum omnem corporis motum evitare, necesse est, utpote quo dolores quam maxime augeantur. Lecto plerumque adfixus, et quidem, si in unā tantum conjunctione articulare morbus adest, in sano latere, aut si utraque affecta fuerit, pronus cubare debet. — Jam in secundo stadio, magis autem hoc in tertio molestiae locales, vehementiā suā conti-
nentes, in totum corpus agunt. Aegrotus totius corporis lassitudinem sentit et nonnunquam extremitates superiores in statum paralyticum transire incipiunt: somnus est impeditus, digestio et nutritio languent, et tum plerumque febris lenta exoritur. — Tanquam signum pathognomicum hoc in stadio considerandi sunt: instinctus aegroti corporis situm mutantis suis manibus caput sufficiendi; porro: vultus aegroti peculiaris, rugis frontis, oculis in cavo depressis, semi-
clausis segniterque se moventibus, labiis retractis et stridore dentium saevissimos depingens dolores.

In quarto stadio (*colliquativo*) denique totius corporis affecti symptomata magis etiam in conspectum veniunt. Ad febrem lentam colliquationes acce-

dunt, paralysis magis evolvitur, quācum alia adhuc symptomata turbatae systematis nervosi functionis extoriuntur, ut: susurrus aurium, stupor, convulsiones etc. In externā colli, regione ulcerum fistulosorum aperturae comparent, quae suppuratio, plerumque profusa, vires magis etiam prosterat, quo quidem modo in hoc ipso statu miserando a molestiis suis torquentibus morte deliberatur aegrotus.

Quum hic morbus tam raro occurrat, et in primis ejus stadiis, nisi forte alii accedant casūs, lethalis non sit; necdum occasio medicis se obtulit, articulorum commutationes in primis morbi stadiis arte anatomica investigandi. Hinc momenta cadaverum inspectionibus reperta, quae hodieque nobis innotuerunt, de commutationibus pathologicis, non nisi ex ultimis morbi stadiis nos edocent. Quarum fide plerumque accumulationes puris inter oesophagum et colli vertebas sunt repertae. — Processus condyloidei ossis occipitalis, nec non superficies articulares atlantis carie semper destruetae erant, quae quidem destructio etiam in alias horum ossium partes se extenderat. Molles articuli

partes vario modo pariter tum morbose affectae, tum destructae reperiebantur. Inter duram matrem et tunicam arachnoideam, nec non in sinubus cerebri nonnunquam fluidum serosum erat adaccumulatum. Membranae medullam spinalem circumdantes lividae erant, gangrenosae, perforatae, ipsaque medulla spinalis persaepe degenerata ¹⁾.

Ex descripto decursu elucet, hunc morbum, in primis ipsius stadiis, cum affectionibus colli rheumaticis facile posse permutari. At major tamen symptomatum ista pertinacia in hujus mali suspicionem adducere medicum debet. — Deficientibus cunctis symptomatibus hunc morbum vel a capite obstopo, sublatâ ratione antagonisticâ muscularum sterno - cleudo - mostoideorum exerto dignoscere possit.

Plerumque, nisi mature in consilium vocatus fuerit medicus, motibus hic ipsâ morte finitur, febris

¹⁾ Salzburger medicinisch - chirurgische Zeitung.
Auno 1813. p. 108.

lentae injuriis adductâ. Sicut autem in aliis, ita etiam in hoc morbo mirabiles naturae vires medicatrices observare licet, quae quamquam raro, nonnunquam tamen hoc malum vel in provectionibus suis stadiis lenire possunt. Hoc quidem efficere natura solet anchoylosi atlantis cum occipite illata. Plerumque autem non solum superficies articulares coalescunt, sed haec calli formatio etiam per alias ossium partes sese extendit, cuius exemplum nobis praebet praeparatum nostrum. Quandoque haecce ossificatio tantopere extensa reperiebatur, ut canalis medullaris adeo imminuta esset, ut tantum caulem pennae amplectetur ¹⁾). Quae quidem momenta nos edocent, quantopere medulla spinalis, sine vitae discriminâ, comprimi possit, quod autem ex malo lente tantum progrediente, declarari potest, in quo medulla spinalis nec minus gradatim fortius comprimitur.

Quoad prognosin, ex dictis jam clare elucet, eam non semper eandem esse posse. Momenta autem no-

¹⁾ Boyer l. c. p. 96.

tatu dignissima, circa quae praecipue differt, sunt caussae et stadia morbi. — Huic morbo ex caussis externis mox praetereuntibus exorto facilius mederi possis, quia aegroti constitutio plerumque nondum adeo est debilitata. Sin contra caussae internae et potissimum constitutionis vitia hunc morbum produixerunt, pejor est prognosis, quia persaepe non singulae in corpus agunt, nonnunquam difficillime indagandae. Praeterea haec constitutionis vitia sunt chronica, quibus itaque tam brevi tempore mederi non possumus et persaepe fortiorum remediorum localium applicatio impeditur. — In primo stadio, dynamicum plerumque se exhibente, hujus mali radicitus removendi adhuc aliqua spes potest foveri, nisi via constitutionis adsint, sive aliae caussae aegre removendae. At in secundo stadio cum morbus in organicum transeat, faustissimus exitus, ankylosis est putanda. In tertio autem et quarto stadio pessima prognosis est. In his nempe hectica febris adest, vires aegroti diutinam morbi duratione valde debilitatae sunt, itaque nec satis convenientlyer reagunt, quā de re neque ex molimibus naturae medicatricibus, neque ex remedii applicatis sperare quidquam licet.

In multis illis operibus de luxatione spontaneâ tractantibus, cura hujus morbi tam copiose est enarrata, ut, nisi jam dicta me repetere velis, hic sufficere mihi videatur, nou nisi primaria proposuisse momenta, quae medico in medendo huic morbo sint observanda,

Methodicâ medendi ratione usuro praecipue caussae et stadia morbi sunt respicienda. Ante autem, quam de his ipsis verba faciam, praemonere mihi liceat; *quietem* arriculi laborantis in quacunque morbi formâ et stadio in primis esse observandam, quia non, nisi illâ observata, ulteriorem mali progressum praecavere et pertinaciam morbi applicatis convenientibus remedii in faustum exitum convertere potueris.

Articulo contusionibus, vulneribus aliisque potentissimis externis laeso, medicus succedentem inflammationem methodo antiphlogisticâ recte applicatâ praecavere studeat, aut, si jam adfuerit haec inflamatio, lege artis ei medeat, — Si contra quae-

cunque caussarum internarum supra commemoratarum hunc morbum produxerit, aut in decursu sese adsociaverit, ista maxime est respicienda; sic depositions metastaticae vel exanthematicae ad congrua loca derivandae; sic languescentia et alia reproductionis et digestionis vitia, sic diathesis scrophulosa, arthritica rheumatica aliaeque regulis therapiae rite exhibitis forent tractandae.

In primo morbi stadio, in quo plerumque status inflammatorius adest, methodus antiphlogistica applicanda, ut: venaesctiones, hirudines, curbitulae, fomentationes frigidae e glacie et nive etc., quae persaepe dolores citissime removent. Caveas autem, ne applicentur hae fomentationes in istâ mali formâ, cum ex rheumatismo et arthritide est exortum, hâc enim in formâ hae fomentationes, sicuti satis expertum est, nocent. Magis tum convenient pulvini herbis aromaticis referti, inflictiones mercurialium et temperatura articuli aequaliter moderata. Porro jam in hoc stadio, derivantia, ut: rubefacientia et vesicantia optimum edunt effectum, incitatis enim partibus externis status inflammato-

rius internarum partium coërcetur. — Si stadium secundum cum inflammationis sequelis adfuerit, tum fortiora incitamenta articulo morbose affecto quam proxime sunt applicanda, ad impediendos, antagonismo, ulteriores desorganisationum progressus. Quem finem variis remedii adipisci medici studuerunt, ulceribus artificialibus, moxâ, kali caustico applicato etc. Haec autem plerumque non sufficere, edocti sumus experientiâ. Quum vero ad ulteriores progressus coërcendos incitamento applicando, et diutius quidem agente et vehementissimo intra momentum effectu opus sit: cauterium actuale ipsum præ ceteris omnibus commendabile fuerit, quo adhibito plerumque statim auferuntur atrocissimi dolores. Praeterea hoc cauterio etiam inflammatio hyperthenica latius sese extendens provocatur, quam et melioris indolis et profusior sequitur suppuratio; deinde etiam ferro candente adhibito, vel crustae gangraenosae ambitum determinare licet. In eâ formâ mali, de quâ nos quidem disserimus, in utroque processum spinosorum vertebrarum latere, striam plurium pollicum (6—7) longitudinem aequantem ferro prismatico Cel.

Rust inuri jubet. — Eodem cum effectu et fructu
hoc remedium in tertio et quarto stadio applicari
potest, ubi, nisi morbum omnino sustulerit, tamen
desorganisationes, quas dicunt, coērcent.

Absentibus etiam constitutionis vitiis totum cor-
pus in morbi decursu afficitur. Itaque vires tum
tonicis, tum incitantibus sustentare eorumque effica-
ciam diaetā aptā adjuvare studeas. Praecipue in
quarto stadio hoc necesse est, ubi in provectioni-
bus ejus gradibus febrem hecticam colliquationes co-
mitantur.

Symptomatibus, quae nonnunquam in tertio,
plerumque autem in quarto stadio, virium proster-
nationi obsecundant, suppurationes ex cavo articuli
exortae sunt adnumerandae. In medendo his ul-
ceribus magna adhuc viget controversia inter au-
ctores, quorum alii suadent, haec ulcera ne ape-
riantur, ali hanc sententiam argumentis impugnant.
Evidem apertioñem artificialem reor esse pree-
ferendam. Quā enim soli naturae commissā,

haec ulcera fistulosa persaepe non extrinsecus se-
se aperiunt, sed sub cute et inter musculos se ex-
pandunt, quo facto sanatio, si qua fieri omnino
potest, valde impeditur.

T H E S S.

Non nisi duo letalitatis gradus statuendi sunt.

II.

Inter miasma et contagium distinguendum est.

III.

Ante trepanationem pericranium descabendi methodus omnino est rejicienda.

IV.

Scropulae et rhachitis non, nisi gradu ac sede, differunt.

V.

Fungum articularem et luxationem spontaneam non semper ex uno eodemque fonte oriri, contendo.

VI.

Quibus foramen ovale in corde non est obliteratum,
hos, aquae immersos diutius aliis, oblite-
ratum quibus hoc foramen est, supervivere
credo.

